



OPĆINA KAKANJ

Općinski načelnik

Broj: 02/1-4824/18

Datum: 29.6. 2018. godine

MUNICIPALITY OF KAKANJ

Municipality Mayor

Na osnovu člana 21. stav 1. tačka c), člana 23. stav 1. tačka b), člana 28., 42. i 70. stav 3. Zakona o javnim nabavkama BiH („Službeni glasnik BiH“, broj: 39/14), na preporuku Komisije za javne nabavke utvrđene u Zapisniku br: 08/1-14-2292-3/18 od 29.06.2018. godine, Općinski načelnik kao ugovorni organ donosi

ODLUKU

**o dodjeli ugovora putem pregovaračkog postupka bez objave obavještenja
o nabavci sa jednim ponuđačem**

Član 1.

Prihvata se Preporuka Komisije za javne nabavke, broj: 08/1-14-2292-3/18 od 29.06.2018. godine i ugovor za javnu nabavku – Dodatne usluge fizičke zaštite za potrebe Općine Kakanj dodjeljuje se ponuđaču A.E. SIGURNOST d.o.o. Zenica za ponuđenu cijenu od 3.646,50 bez PDV-a (odnosno 4.266,40 KM sa uračunatim PDV-om).

Član 2.

Po pravosnažnosti ove odluke, ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezane za predmetnu nabavku, shodno uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

Član 3.

Ova Odluka dostavit će se izabranom ponuđaču u predmetnom postupku javne nabavke uz obavještenje o rezultatima postupka.

Član 4.

Ova odluka stupa na snagu danom donošenja.

Obrazloženje

Ugovorni organ proveo je otvoreni postupak javne nabavke – Fizička zaštita i usluge pružanja dojavnooperativnog centra za potrebe Općine Kakanj, broj: 02/1-8051/17 od 22.12.2017. godine, ugovor je dodjeljen ponuđaču Agencija za zaštitu ljudi i imovine A.E. SIGURNOST d.o.o. Zenica. Odredbama Tendreske dokumentacije, tačka b) podtačka 1. utvrđeno je da ukoliko se ukaže potreba za dodatnim uslugama koje su neodvojive od osnovnog ugovora, Ugovorni organ će provesti jedan od postupaka javne nabavke u skladu sa Zakonom o javnim nabavkama BiH.

Na osnovu navedenog, Ugovorni organ pokreće pregovarački postupak bez objave obavještenja za nabavku dodatne usluge fizičke zaštite za potrebe Općine Kakanj.

Općinski načelnik kao ugovorni organ se posebno rukovodio činjenicom da je povećan broj posjeta stranaka u predstojećim mjesecima, da su učestale konkursne procedure i javni pozivi, kao i intervencije zaštitara koji je raspoređena na poslovima fizičke zaštite, zbog čega se ukazala potreba nabavke dodatnih usluga fizičke zaštite zgrade Općine Kakanj, da je predložena nabavka planirana Planom nabavki za 2018. godinu, te da je realno procijenjena njena vrijednost na tržištu i da su osigurana sredstva za isplatu.

Na osnovu člana 21. stav 1. tačka c), člana 23. stav 1. tačka b), člana 28. Zakona o javnim nabavkama Bosne i Hercegovine („Službeni glasnik BiH“ broj: 39/14), člana 20. Uputstva za pripremu modela tenderske dokumentacije i ponuda („Službeni glasnik BiH“ broj 90/14) i Odluke o pokretanju postupka nabavke putem pregovaračkog postupka bez objave obavještenja, broj: 02/1-4126/18 od 31.05.2018. godine, Općina Kakanj kao ugovorni organ provodi pregovarački postupak bez objave obavještenja o nabavci sa jednim ponuđačem za dodatne usluge fizičke zaštite za potrebe Općine Kakanj.